

『國家社會科學基金重大項目（11&ZD119）』

中國人民大學佛教與宗教學理論研究所

何建明

主編

中國地方志
佛道教文獻匯纂

寺觀卷

(237)



國家圖書館出版社

中國地方志佛道教文獻匯纂·寺觀卷

江西省 宜春市


高安縣志


清·聶元善纂修


清乾隆十九年（一七五四）刻本

繪

圖









相厭地勢畫井分疆古職方氏掌之典綦重矣蕭何相漢滅秦而有天下他務未遑急收版圖豈細故哉高安勢居上游宛若洞府一天造地設之區宇也舊本無圖今圖出而田賦里居陞傳驛舍星布於廣谷大川內者披圖而了然在目矣然圖以設象有畫而無文山川之情態尚未昭揭惟窮態極情以盡其辭則會性情於象外控制裁抑轉移而補救之曰天命奪神功以扶地運於興隆是大有裨於吾邑也此圖既繪圖說所以繼圖象而作也

邑副貢何識定繪

高安縣志卷之三

山川

山

嶺

祠廟

石

邱墓

潭

池

湖

溪

溝

壩

堤

地厚載物山與川航雅牽仰止易蒙果

協嵩嶽苞桑仰瞻俯矚氣象堂皇圍峙九嶺中流

一江興殖有賴化被悠長梅墩蘓渡李井黃岡補

巽敵允法本青囊自有高深卑淺偕臧志山川

寺觀

禪那寺 在南城鳴鳳坊故有額曰鳳鳴山寺 國初
重修憲副周公之恒爲記寺前有池圓如鉢孟相傳
舊產蓮而每年花只九朶故名九蓮池今亦荒湮不
治有士留題云大衆公姑冷落多西江借滿鉢孟河
門門常稅秋風駕忘却衣裳製芟荷蓋望之修蓮池
也

朱文端聯云坐錦水寶筏慈航身渡恒沙萬萬對荷
山孤雲片月目空世界千千陳木齋聯云勝地常在

茲春雷桃浪幾多英俊步蓮池同觀龍化美名傳自
昔暮鼓晨鐘無數儒生吟皓月佇聽鳳鳴

觀音寺 在南城高明門西偏唐時建原名觀音院賜

額三論道場正殿名聖師殿所屬有二十四寮寺前
後多松柏又有欽賜寶塔二座宋朝有國舅出家住
此太平興國時改名太平蘭若元末紅巾賊至傳言
有寶藏掘發未遂焚燬僅存二寮即今觀音寺圓明
寺是也明萬歷三十四年邑令盧公召僧募緣鑄接
引銅佛爲無量殿居之郡守魯公史愛其僻靜匾曰

城曲落迦康熙八年全寺火丈六金身亦燬劉慟子
胡起龍倡率更鑄十年邑令張文旦捐資命僧本愚
募衆興復

明郡守魯公史聯云灌木障紅塵日麗風清儼矣西
方佛國平沙開綠野雨香雲淡居然東土人天又聯
云三界是大戲場傀儡燈前却被誰操線索一心乃
真覺海葦航脚下莫教自起波濤劉慟子接引佛聯
云世間有佛從心出天下無人到手援
以後雖有佳聯舊志未載者概不增入

圓明寺

舊爲圓明院後有禪堂一重可居前殿將圯

康熙八年僧冰若募修

靈泉寺

在南城連通舖原有靈井故名明住僧晉誠

出穀賑饑朝廷旌之現有石碑存寺康熙二十七年
僧寔行募衆重修今牆壁傾壞佛殿雖存住持無人
蓋不能無望於興復之者

興化寺

在南城石橋之東與靈官廟接壁正殿及毘

盧閣俱本坊徐姓同住持學明創建

棲隱寺

在南城靖安門內相傳陶淵明曾棲止此處

原建無考初創頗隘明末住僧心月興後殿一棟五
間又兩廊左伽藍右西歸改稱寺 國朝浙僧能秀
建山門一重前殿卑圯不稱康熙八年郡守劉公登
科捐資鼎建正殿及兩廊房規制稍宏

南山寺 在南城高明門內有銀杏樹二株高大異常
後寺廢基址佃與民家銀杏樹猶存

大愚寺 在南城朝陽門外亦名真如寺宋時建以大
愚叟呂祖儉寓此故稱大愚爲南嶽下三世歸宗常
禪師法嗣臨濟雖嗣黃檗而受乳於高安灘頭悟法

寔從大愚後守芝禪師住此五祖戒又終於此流風
餘韵代有其人宋蘓轍明劉嵩過之俱有題咏萬歷
中蜀僧中白主之邑令田一甲馮大任大事興復建
有懶雲窩八角亭天啓中邑令朱道行捐贖舊田三
十畝郡守魯史陶履中後先力爲護持 國朝順治
十三年六愚喆禪師以洞山孤和尚法裔開座邑令
黃奎齡刻其語錄行世康熙五年嗣法徧鵬苦心募
建三門正殿藏經閣一時俱興巍巍秩秩視從前規
制加勝邑紳汪毓珍營把張有功捐資買田八工地

十畝又贖回道人園地三畝寺傍地五片張氏捐入
共資香火之需已上田地舊僧雲波典賣方丈虛席
乾隆十三年春有奉

旨賜紫命往洞山普利寺主席墊雲澈和尚法嗣文達
璋禪師衆姓延入方丈乃同法弟文達質禪師捐資
買回寺背寺傍共田一十八工載糧三斗五升又羅
漢會衆置買王家園田五工半載糧七升五合存寺
永遠管業寺傍爲呂公堆

洞山寺

在北城鍾秀門外爲价禪師行脚錦江憇息